

**Uunga siunnersuut: Imigassaq pillugu Inatsisartut inatsisaata allanngortinneqarnissaa pillugu Inatsisartut inatsisaat**  
(Peqqissutsimut Naalakkersuisoq)

**Saqqummiussissut**  
(Peqqissutsimut Naalakkersuisoq)

**Siullermeerneqarnera**

Naalakkersuisut sinnerlugit matumuuna Imigassaq pillugu Inatsisartut inatsisaata allanngortinneqarnissaa pillugu Inatsisartut inatsisissaattut siunnersuut saqqummiutissavara.

Imigassaq pillugu inatsimmik kingullermik 2019-imi allannguisoqarmat inatsisip maannakkutut isikkoqarluni qanoq ingerlanneqarnera pillugu misilittagaqarfigineqalerpoq, aalajangersakkanilu ataasiakkaani naleqqussaasoqartariaqartoq paasinarsivoq.

Ullumikkut immiaaqqat 4,10-mik procenteqarnerusarput. Taamaattumik imigassaq pillugu inatsimmi malittarisassat imatut allanngortinneqarnissaat siunnersuutigineqarpoq, imigassartalinnik tuniniaanissamut sassaalliisarnissamullu akuersissutit 4,10 procentiniit 5,09 procentinut allanngortinneqassasut.

Taamaalillutik taamatut tuniniaanissamut sassaalliisarnissamullu akuersissutaatillit immiaaqqanik amerlanerusunik neqerooruteqarsinnaalissapput.

Ulluinnarni aqaguani freerfiusussani ammasarfiit aalajangersakkami qanoq paasineqassanersut nalornisitsilersimapput. Taamaammat tamanna erseqqissaaviginiarlugu tassunga aalajangersakkamik erseqqissaasoq siunnersuut saqqummiunneqarpoq. Erseqqissaanerup inatsisitigut inissisimaffiit atuuttut allanngortissanngilaat.

Coronap tuniluunnerata nalaani misilittakkat tunngavigalugit Naalakkersuisut imigassanik killersuisinnaanerata matusisinnaanerallu naleqquttuussasoq eqqumaffigineqalersimavoq, taamaalilluni tamanna tuniluunnerup siammaatinnginnissaanut qitiutilluinnarlugu periaasissanut ilanngunneqarsinnaanngorlugu.

Siunnersuummi aalajangersagaq nutaaq saqqummiunneqarpoq, tamatumami inuiaqatigiit nalinginnaasumik navianartumik inuiaqatigiinniluunniit pingaarutilinni nappaatinut illersorniarlugit Naalakkersuisut imigassamik tuniniaanermik sassaalliisarnermillu unitsitsigallarsinnaatitaallutillu matusisinnaatitaassasut.

Aamma tunngavigineqarpoq killilersuinerit inerteqqutilluunniit tassani siunertap angunissaanut pisariaqartoq qaangerlugu ingerlatiinnarneqassanngimmata.

Pineqaatissiinernut tunngasunik aalajangersakkani periarfissiisoqarpoq imigassanik aalakoornartortalinnik unioqquitsilluni niuernermit sassaalliinernillu arsaarinnissinnaanermik

kiisalu akuersisummik pigisaqartoq ingerlatsisorluunniit imigassanik aalakoornartortalinnik nioqqutissiortoq imaluunniit tuniniaasoq unioqqutitsilluni tunissutisisippat il.li.

Imigassat aalakoornartortallit pillugit Inatsisartut inatsisaata allanngortinnissaa pillugu Inatsisartut inatsisaat ulloq 1. juli 2022 atuutilissaaq.

Taamatut oqaaseqarlunga Naalakkersuisut sinnerlugit siunnersuut Inatsisartunut suliaassanngortippara.